

Home > CERCAMON > EDIZIONE > Quan l'aura doussa s'amarzis > Tradizione manoscritta > CANZONIERE C > Edizione diplomatica

Edizione diplomatica

Image not found http://letteraturaeuropea.let.uniroma1.it/sites/default/files/C%20254%20-%202.jpg	Quant l'aura doussa samarzis. el fuelha chai de sul uerjan. el auzelh chanton lor latis. (et) ieu de sai sospir e chan. damor que(m) te lassat e pres. (et) en car non laic em poder.
Image not found http://letteraturaeuropea.let.uniroma1.it/sites/default/files/C%20254%20-%203.jpg	Las q(u)eu damor nonai conq(ui)s. mas las trebalhas el afan. ni ren tan greu non couertis. cum so quom plus uai deziran. ni tal enueya no fai res. cum aq(uo) q(uo)m no pot auer.
Image not found http://letteraturaeuropea.let.uniroma1.it/sites/default/files/C%20254%20-%203.jpg	Pero dun ioy men esiauzis. du na quanc res non amiey tan. quan suy ab lieys sim esbahis. quieu no sai dire mon talan. e quan men uauc ueiare mes. que tot perdal sen el saber.
Image not found http://letteraturaeuropea.let.uniroma1.it/sites/default/files/C%20254%20-%204.jpg	Tota la genser quanc hom uis. en contra lieys no pretz un guan. quar tot lo segles brunezis. lay on ylh es aissi resplan. dieus mi respieyt tro quieu lagues. o q(ue)eu la ueianar iazer.
Image not found http://letteraturaeuropea.let.uniroma1.it/sites/default/files/C%20254%20-%205.jpg	Ni muer ni uiu ni no guaris. ne mal no sent e si lai gran. quar de samor no suy deuis. ni no siey quen aurai o quan. quen lieys es tota la merces. quem pot soizir o dechazer.
Image not found http://letteraturaeuropea.let.uniroma1.it/sites/default/files/C%20254%20-%206.jpg	Totz trassalh e brant e fremis. per samor durmen ouelhan. tal paor ai que nom falhis. no say pessar cum la deman. mas seruir lai dos ans o tres. e pueys ben leu sabrai lo uer.

 Image not found http://letteraturaeuropea.let.uniroma1.it/sites/default/files/C%20254%20%2017.jpg	S ilha nom uol uolgra moris. lo dia quem pres acoman. ai dieu(s) quan suauet maucis. quan de sa mor me fetz semblan. q(a)r mort ma e no sai per ques. quieu mas una non uuelh auer.
 Image not found http://letteraturaeuropea.let.uniroma1.it/sites/default/files/C%20254%20%2019.jpg	P er lieys serai totz fals o fis. o uertadiers o ples denjan. o totz unlas o totz cortes. o trebalhier(s) ab plan deman. sercamons ditz greu er cortes. hom qui damor se desesper.
 Image not found http://letteraturaeuropea.let.uniroma1.it/sites/default/files/C%20254%20%2010.jpg	L as cuy que plasso cuy que pes. elham pot sis uol retener.

- letto 1236 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-334>